

羅田縣志卷之六

藝文志

○按自宋玉笛賦以下及唐宋人咏物產詩及張耒游羅田諸作宋明人刊書序跋宋人書劄明人為縣人之碑記可數十篇此均佚見訂補

文者政理之精華而皆古人之神思也其藝之何也文焉藝也然吾觀勝作諸家風韻乎有風雅之遺焉秩秩乎有風教之寓焉則又非藝焉已也乃若辨體裁較工拙嚴去取則以俟于具眼者固非予之所敢知也

詩

宋紹興何錫汝玉虹泉石刻一首 無名氏次韻一首

本朝參議王鼎詠石險四首題塔山寺一首玉泉寺一首

提學沈鍾詠石險四首

蔡潮詠石險三首潮詠石險詩尙多不能悉載

郡守盧濬題多雲山一首過鷹嘴巖嘴一首過周家寨一首村婦吟四首題塔山寺二首觀音寺一首

藝文志

卷六

一

同知王相詠石險一首

吳景題府館壁間一首

夏廷芝一首

通判毛應時一首

推官羅翰一首以上三首題同前

知縣沈雷題玉泉寺一首

夏國孝訪張玉泉一首

沈越喜雨一首

教諭陳瓚詠石險一首

訓導石彬詠景致八首 ○按此不止八首見訂補

趙廷佐詠古松一首

鄧穆訪張玉泉一首

隱翁無名氏題七楊衝居一首

蔡芳詠石險一首

賦

同知謝朝宣石險賦

記

尙書倪謙去思碑記爲知廳徐泰作

編修彭寅亮旌孝記爲孝子吳大中作

御史龔湜去思碑記爲知縣勞樟作

提學沈鍾遷學記

通判毛應時翠屏記爲舉人張明道作

誌銘

翰林院典簿朱善銘劉將軍應春墓

脩藝  
武志

卷六

祭文

郡守胡定祭義士張正福文

修武志

修武何所以威不軌而戒不虞也是故有民兵之設有軍政之修有關寨之防有鄉堡之警保民者時清練而巡飭之則備以無患矣志修武

民兵

城非兵莫之守兵非民無所出今之縣治留守者藉兵於民以專守禦之寄亦古人兵起于農之遺意也羅田例因丁糧多寡以分兵之名數大抵僉戶之近上考爲頭目而下戶皆幫貼也簡練則以秋冬警急

則聽  
差役

民壯一百二十五名

舊額二百五十名後改二百名嘉靖壬寅知縣祝珣改一百二十五名其金鼓旗物弓箭鎗刀各隨其所長者而役之每年工食四兩八錢

大閱場

在縣西南一里正廳三間演武廳三間將臺一座

軍政

國家之制以罪謫爲兵蓋漢武七科之謫之遺意也羅田雖無衛所亦有軍役但其所以爲軍者洪武初見煙起戶梁之而一時老故之家少流集之徒多故厥後之聚散無常而軍籍之名存實喪矣將來清勾

之擾不知將何所底止也  
因憑梁軍册以訂於後

洪武二十二年垛軍四千

有册可考  
今不悉載

清軍之弊

羅前此清軍之官多付之吏書里老其奸滑者死生挨解係於財帛縱有震世之威不能塞其無情之口而吏書之弊則有不可勝言者如軍戶孫丙原在趙甲之下而李丁則在錢乙之下此定籍也一有清查新造軍冊則移孫丙於錢乙之下捏作見解或挨無或跟捉而鄉實無人錢乙不過廣用貨賄又得免矣若復有清查則仍如前弊改造舊冊以為印證里老吏書所得不知其幾何況其中有改名姓字畫以作無人者有戶無壯丁而以幼丁補錄者有原逃不在而作挨解者有在營有丁而解查者有丁盡戶絕不與分豁者有挨無名籍者有解調別衛而誤勾者有同名同姓而冒勾者有充軍在前而分析在後者有以義男女婿而冒替充軍者有以三戶梁籍而副不認正者有正缺而副不承認者非止一端近年固得清查痛革之法而官之去留不一為今之計不若遵照梁籍乘其大造訂於書冊散給各戶斯可革其弊之萬一矣匠籍之弊亦如之附於徭役志

關寨

關寨者衆塗輳聚之區山水阻塞之處也地險雖存弛備則廢矧隣淮豫之僻去治遼邈今昔盜賊皆由此出沒其又可忽諸故悉紀各關里至之修短衝塞之緩急以著未然之防

鳳凰關

在縣東三十里自此東北去石門關一百里

石門關

在縣東北一百里抵英山界由此北去甕門關五十里

甕門關

在縣東北一百八十里即古岐嶺關抵六安州界由此北去青苔關一十里

○按此見明史地理志及寰宇通志此佚其他栗子平湖岐嶺均同見訂補

青苔關

在縣北一百四十里抵六安州界由此北去栗子關二十里

栗子關

在縣北一百八十里抵六安州界由此西北去銅鑼關一十里

銅鑼關

在縣西北一百四十里抵商城界由此西北去松子關三十里

松子關

在縣西北一百八十里抵商城界由此西北去平湖關三十里

# 脩武志

## 卷六

平湖關

在縣西北四十里抵麻城界

右八關惟甕門青苔栗子松子銅鑼最為緊要

光山寨

在縣東六十里即石馬山寨

周家寨

在縣北六十里郡守盧濬過寨有詩云野水流清細春山曉氣濃一犁人頌雨到處馬嘶風日色開林口桃花映馬衝兒童還愛我匍匐望高峯

石壠寨

在縣東南四十里

鼓羊寨

在縣西北四十里

熊崖寨

在縣東北十里

猴豬寨

在縣東四十里

觀音寨

在縣東南六十里

望英寨

在縣東北三十里

斑竹寨

在縣東六十里

鄉堡

成周設士師之職立禦盜之制相翔誅於聚橈之中夜士詔天分夜之禁所以防盜賊便行人也羅田鄉堡之設猶有周之遺意焉在昔元魏之李崇後周之竇嚴皆行之而有效矣是不可以不志

嘉靖二十年奉文約地方遠近以十里爲一團統十堡一堡統十家互相覺舉應援

以防盜賊

每團設粉牌一面楷書一團人戶姓名編成行伍設金鼓置旗號築烟墩建營房有急則一里傳十里及百里千里也

團圍營房

三鄉共三十二所每團廳堂三間大旗一面地名不及細開

巡警冷舖

城中八舖

後城四舖

從北門至縣後二舖從西門至縣後二舖

脩武志

卷六

四